

**Rang Undang-Undang Mesin Cetak Dan Penerbitan (Pindaan) Dibentang  
Bernama  
18 April , 2012**

KUALA LUMPUR, 18 April (Bernama) -- Rang Undang-undang Mesin Cetak dan Penerbitan (Pindaan) 2012 yang bertujuan menggugurkan "kuasa mutlak" menteri dalam meluluskan atau tidak meluluskan lesen mesin cetak, dibentangkan untuk bacaan kali pertama di Dewan Rakyat di sini pada Rabu.

Timbalan Menteri Dalam Negeri Datuk Abu Seman Yusop membentangkan rang undang-undang itu bagi tujuan meminda lima Subseksyen Akta 301.

Ini termasuk meminda Subseksyen 3(3) Akta 301 untuk memansuhkan keperluan merujuk kepada "budi bicara penuh" menteri dalam memberi atau menolak pemberian lesen mesin cetak.

Rang undang-undang itu juga bertujuan menggugurkan kuasa menteri dalam menentukan tempoh sah lesen berkenaan.

Ia juga bertujuan meminda Subseksyen 6(1) untuk memansuhkan keperluan merujuk kepada "budi bicara penuh" menteri dalam memberi kebenaran kepada seseorang untuk mencetak atau menerbitkan akhbar di Malaysia atau mengeluarkan permit kepada mana-mana pemilik akhbar di Singapura untuk membolehkan akhbar terbitannya diimport, dijual atau diedar di Malaysia.

---BERNAMA

Hakcipta © 2012 BERNAMA

Source: <http://www.bernama.com/bernama/v6/bm/newsindex.php?id=659893>